

ხელშეკრულება სახელმწიფო შესყიდვის შესახებ № 10/3

ქ. თბილისი

„11“ „01“ 2012 წ.

1. ხელშეკრულების დამდები მხარეები

1.1. ერთი მხრივ, საქართველოს შრომის, ჯანმრთელობისა და სოციალური დაცვის სამინისტრო, შემდგომში „შემსყიდველი“, მინისტრის პირველი მოადგილის ირაკლი გიორგობიანის სახით და მეორე მხრივ, სს. „სილქნეტი“, შემდგომში „მიმწოდებელი“, კორპორატიული გაყიდვების განყოფილების უფროსის დავით სულამის სახით.

2. ხელშეკრულების საგანი და ღირებულება

2.1 შემსყიდველმა განახორციელა გამარტივებული ელექტრონული ტენდერი (SPA 110032638), საქართველოს შრომის, ჯანმრთელობისა და სოციალური დაცვის სამინისტროს ცენტრალური აპარატის 2012 წლის ასიგნებების ფარგლებში სამინისტროს ადმინისტრაციული შენობის ინტერნეტ მომსახურების შესყიდვაზე (CPV 724 00000), რომელშიც გამარჯვებულად მიჩნეულ იქნა მიმწოდებლის სატენდერო წინადადება – ერთიან ელექტრონულ სისტემაში დაფიქსირებული საბოლოო ფასის მიხედვით 18 000 (თვრამეტი ათას) ლარზე.

2.2. სახელშეკრულებო ღირებულება შეადგენს 18 000 (თვრამეტი ათას) ლარს.

3. შესყიდვის ობიექტის მახასიათებლები

3.1. გასაწევი მომსახურების აღწერილობა, ერთეულის და საერთო ფასები განისაზღვრება გამარტივებულ ელექტრონულ ტენდერში მიმწოდებლის მიერ წარმოდგენილი დოკუმენტების შესაბამისად.

3.2. ერთი სრული თვის მომსახურების ღირებულება განისაზღვრება 1 500 (ათას ხუთასი) ლარით.

3.2. ნებისმიერი ტექნიკური მოწყობილობა/ები შემსყიდველს გადაეცა დროებით სარგებლობაში და წარმოადგენს მიმწოდებლის საკუთრებას.

4. მომსახურების გაწევის პირობები

4.1. ვადები:

4.1.1. მომსახურება განხორციელდება ხელშეკრულების გაფორმებიდან - 2012 წლის 31 დეკემბრის ჩათვლით.

4.2. ადგილი:

4.2.1. მომსახურების გაწევა მოხდება შემდეგ მისამართზე: საქართველოს შრომის, ჯანმრთელობისა და სოციალური დაცვის სამინისტროს ადმინისტრაციული შენობა, მის: ქ. თბილისი, წერეთლის გამზ. №144.

5. შესყიდვის ობიექტის მიღება-ჩაბარების წესი

5.1. ფაქტიურად გაწეული მომსახურების მიღება-ჩაბარება განხორციელდება ყოველთვიურად, მომსახურების გაწევის შემდეგ, წინამდებარე ხელშეკრულების 14.1 პუნქტით განსაზღვრული, ხელშეკრულების შესრულებაზე კონტროლის განმახორციელებელი კოორდინატორის მიერ შედგენილი ინსპექტირების აქტის საფუძველზე, რაზეც გაფორმდება შესაბამისი მიღება-ჩაბარების აქტი სამ ეგზემპლარად.

6. ანგარიშსწორება

6.1. ანგარიშსწორების ფორმა - უნაღდო ანგარიშსწორება ლარებში.

6.2. ფაქტიურად გაწეული მომსახურების ღირებულების ანაზღაურება იწარმოება ყოველთვიურად, მიღება-ჩაბარების აქტისა (დანართი №1) და მიმწოდებლის მიერ ყოველი

თვის 15 რიცხვამდე წარმოდგენილი ანგარიშ-ფაქტურის საფუძველზე. ანგარიშ-ფაქტურის წამოდგენიდან არაუგვიანეს 20 (ოცი) საბანკო დღის განმავლობაში.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. უზრუნველყოს შესყიდული მომსახურების მიწოდება ხელშეკრულების პირობების შესაბამისად;

7.1.2. უზრუნველყოს გაწეულ მომსახურებაზე გამოვლენილი დეფექტებისა და ნაკლის აღმოფხვრა საკუთარი ხარჯებით.

7.1.3. უზრუნველყოს ინტერნეტ კავშირისთვის საჭირო კომუნიკაციების მომსახურება და დაზიანებების აღმოფხვრა საკუთარი ხარჯებით მიმწოდებლის წერტილიდან სადემარკაციო წერტილამდე, რომელიც განსაზღვრულია დამკვეთთან დამონტაჟებულ მედიაკონვერტორამდე ჩათვლით.

7.2. „შემსყიდველი“ ვალდებულია:

7.2.1. დროულად განიხილოს „მიმწოდებლის“ მიერ წარმოდგენილი წინადადებები, რომლებიც დაკავშირებულია ხელშეკრულების შესრულებასთან;

7.2.2. უზრუნველყოს მიმწოდებლის წარმომადგენელთა დაშვება საქართველოს შრომის, ჯანმრთელობისა და სოციალური დაცვის სამინისტროს ადმინისტრაციულ შენობაში ინსტალაციის უზრუნველსაყოფად და ტექნიკური გაუმართაობის აღმოსაფხვრელად.

7.2.3. აუნაზღაუროს მიმწოდებელს გაწეული მომსახურების ღირებულება ხელშეკრულების პირობების შესაბამისად.

8. მხარეთა უფლება

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს გაწეული მომსახურების ხარისხისა და მოცულობის კონტროლი.

9. ფორს-მაჟორი

9.1. ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10 ხელშეკრულების პირობების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ.

ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

10.3. ნებისმიერი ცვლილება, რომელსაც მოჰყვება ხელშეკრულების ჯამური ღირებულების გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.4. საჭიროების შემთხვევაში შეწყვიტოს ხელშეკრულება ვადაზე ადრე, ხელშეკრულება აგრეთვე შეიძლება შეწყდეს მხარეთა ურთიერთშეთანხმების საფუძველზე და/ან საქართველოს მოქმედი კანონმდებლობით დადგენილ სხვა შემთხვევებში.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

11.2. თუ ასეთი მოლაპარაკების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. ხელშეკრულების პირობების შეუსრულებლობა

13.1. ხელშეკრულების 3.1. პუნქტით ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში „მიმწოდებელს“ ეკისრება პირგასამტეხლო ერთი თვის მომსახურების ღირებულების 1% ოდენობით.

13.2. საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

13.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს „შემსყიდველს“ უფლება აქვს შეწყვიტოს ხელშეკრულება.

14. ინსპექტირების პირობები

14.1. ხელშეკრულების შესრულების კონტროლს განახორციელებს კოორდინატორი: საქართველოს შრომის, ჯანმრთელობისა და სოციალური დაცვის სამინისტროს ინფორმაციული ტექნოლოგიების დეპარტამენტის უფროსი მიხეილ ჯანიაშვილი.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.

15.2. ხელშეკრულების მოქმედების ვადა განისაზღვრება 2012 წლის 31 დეკემბრის ჩათვლით.


16. განსაკუთრებული პირობები


16.1. ხელშეკრულება შედგენილია 3 ეგზემპლარად (4 გვერდზე) და თითოეულ მათგანს თანაბარი იურიდიული ძალა აქვს.

16.2. ხელშეკრულების ერთი ეგზემპლარი ინახება მიმწოდებელთან, ხოლო ორი - შემსყიდველთან.

„შემსყიდველი“


საქართველოს შრომის, ჯანმრთელობისა
და სოციალური დაცვის სამინისტრო
ქ. თბილისი, წერეთლის გამზ. №144
ფინანსთა სამინისტროს სახაზინო
სამსახური
საიდენტიფიკაციო კოდი 211333957



ირაკლი გორგოზიანი
მინისტრის პირველი მოადგილე



„მიმწოდებელი“

სს „სილქნეტი“
ქ. თბილისი, წინამძღვრიშვილის ქ. N95
ს.ს. „საქართველოს ბანკი“
BAGAGE22
ანგ. № GE41BG0000000878415000
ს/კ №204566978


დავით სველაშვილი
კორპორატიული გაყიდვების
განყოფილების უფროსი



სახელმწიფო ბიუჯეტიდან სამინისტროს აპარატის ხარჯებისათვის
გამოყოფილი ასიგნებების ფარგლებში გაწეული მომსახურების
მიღება – ჩაბარების

ა ქ ტ ი

ქ. თბილისი

„ — — — — — 2012 წ.

ჩვენ, ქვემოთ ხელის მომწერნი, ერთის მხრივ, შემსყიდველი საქართველოს შრომის, ჯანმრთელობისა და სოციალური დაცვის სამინისტროს ადმინისტრაციული დეპარტამენტის უფროსი ბატონი ი. გოგოლაძე

და, მეორე მხრივ, მომწოდებელი _____
(ორგანიზაციის დასახელება)

(ხელმძღვანელის თანამდებობა; სახელი, გვარი)

ვადგენთ ამ აქტს მასზედ, რომ _____

2012 წლის „ — — — — — “ „ — — — — — “ № _____ ხელშეკრულების პირობით

სახელშეკრულებო თანხა შეადგენს _____
(თანხა ციფრებით და სიტყვიერად)

_____ თვეში გაწეული მომსახურების ღირებულებამ
(თვის დასახელება)

შეადგინა _____
(თანხა — ციფრებით და სიტყვიერად)

ნაზარდი ჯამით შესრულებულია _____
(თანხა ციფრებით და სიტყვიერად)

მომსახურება, ანაზღაურებულია _____
(თანხა ციფრებით და სიტყვიერად)

მიიღო

ჩააბარა

1. ადმინისტრაციული დეპარტამენტის უფროსი

1. ხელმძღვანელი

2. პასუხისმგებელი შემსრულებელი

2. მთავარი ბუღალტერი

ბ. ა.

ბ. ა.